

საჯარო სამართლის იურიდიული პირი
ზურაბ ჟვანიას სახელობის სახელმწიფო ადმინისტრირების სკოლა

სატენდერო დოკუმენტაცია

სასმელი არაგაზირებული მინერალური წყლის შესყიდვაზე

გამარტივებული ელექტრონული ტენდერის საშუალებით

ქ. ქუთაისი

2013 წელი

სარჩევი

1. ტექნიკური დავალება -----	3
2. ინსტრუქცია ტენდერში მონაწილეთათვის -----	6
3. ტექნიკური დოკუმენტაცია -----	10
4. დამატებითი ინფორმაცია -----	11
5. სახელმწიფო შესყიდვის შესახებ ხელშეკრულების პროექტი -----	12
6. დანართი 1, სატენდერო წინადადება -----	24
7. დანართი 2, პრეტენდენტის (ქვეკონტრაქტორის) რეკვიზიტები -----	25
8. დანართი 3, ფასების ცხრილი -----	26

1. ტექნიკური დავალება

გამარტივებული ელექტრონული ტენდერი გამოცხადებულია იმ მიზნით, რომ საჯარო სამართლის იურიდიულმა პირმა ზურაბ ჟვანიას სახელობის სახელმწიფო ადმინისტრირების სკოლამ (შემდგომში – შემსყიდველი) შეისყიდოს სასმელი მინერალური არაგაზირებული წყალი (შემდგომში – წყალი, შესყიდვის ობიექტი) საქართველოს 2013 წლის სახელმწიფო ბიუჯეტის ასიგნებებისა და ეკონომიკური საქმიანობით მიღებული საკუთარი შემოსავლების ხარჯზე შემდეგი პირობებით:

ა) შესყიდვის ობიექტის ტექნიკური პარამეტრები:

- 1) წყალი სასმელი, მინერალური, არაგაზირებული, დაფასოებული პოლიეთილენის სპეციალურ გამჭვირვალე ჭურჭელში (ბოცაში), რომელიც განკუთვნილია წყლის სტანდარტულ საოფისე დისპენსერებზე დასადგმელად და აქვს სახელური, მომარჯვებული ისე, რომ სავსე ჭურჭლის გადატანა შეეძლოს ერთ ადამიანს. ჭურჭლის ტევადობა – 19 ლიტრი. ჭურჭელი დალუქული უნდა იყოს ქარხნული წესით ისე, რომ დაზიანებული ლუქის მთლიანობის აღდგენა შეუძლებელი იყოს კუსტარული წესით. ყოველ ჭურჭელს უნდა ჰქონდეს სტამბური წესით დაბეჭდილი იარლიყი, რომელზეც დატანილი იქნება მწარმოებლის დასახელება და მისამართი, ჭურჭელში ჩასხმული წყლის მოცულობა, წყლის ქიმიური შემადგენლობა, ჩამოსხმის თარიღი და ვარგისიანობის ვადა. დალუქული წყლიანი ჭურჭელი მიწოდებისას ისე უნდა იყოს შეფუთული, რომ ტრანსპორტირებისას არ დაზიანდეს იარლიყი და არ დაისვაროს ჭურჭელი. წყლის მინერალიზაცია – არაუმეტეს 0,35 გ/ლ. დალუქულ ჭურჭელში წყლის ვარგისიანობის ვადა – არანაკლებ 6 თვისა ჩამოსხმის დღიდან და არანაკლებ 2 თვისა შემსყიდველისათვის მიწოდების დღიდან. წყალი შემსყიდველისათვის მიწოდებისას არ უნდა შეიცავდეს შეუიარაღებელი თვალით შესამჩნევ არანაირ მექანიკურ მინარევებსა და ნალექს;
- 2) წყალი სასმელი, მინერალური, არაგაზირებული, დაფასოებული და დალუქული ქარხნულად პოლიეთილენის ბოთლებში. ბოთლის ტევადობა – 0,5 ლიტრი. ბოთლი დალუქული უნდა იყოს ქარხნული წესით ისე, რომ დაზიანებული ლუქის მთლიანობის აღდგენა შეუძლებელი იყოს კუსტარული წესით. ყოველ ბოთლს უნდა ჰქონდეს სტამბური წესით დაბეჭდილი იარლიყი, რომელზეც დატანილი იქნება მწარმოებლის დასახელება და მისამართი, წყლის მოცულობა, წყლის ქიმიური შემადგენლობა, ჩამოსხმის თარიღი და ვარგისიანობის ვადა. წყლის მინერალიზაცია – არაუმეტეს 0,35 გ/ლ. დალუქულ ჭურჭელში წყლის ვარგისიანობის ვადა – არანაკლებ 6 თვისა ჩამოსხმის დღიდან და არანაკლებ 2 თვისა შემსყიდველისათვის მიწოდების დღიდან. წყალი შემსყიდველისათვის მიწოდებისას არ უნდა შეიცავდეს შეუიარაღებელი თვალით შესამჩნევ არანაირ მექანიკურ მინარევებსა და ნალექს.

სახელმწიფო შესყიდვის ხელშეკრულების მოქმედების მთელ პერიოდში შესყიდვის ობიექტი უნდა იყოს ერთგვაროვანი: წარმოებული ერთიდაიგივე მწარმოებლის მიერ, ერთიდაიგივე ტექნიკური მახასიათებლებით და დაფასოებული ერთნაირ ტარაში.

ბ) შესყიდვის ობიექტის მოცულობა:

- 1) 19 ლ ტევადობის ბოცებში დაფასებული წყლისა – არაუმეტეს 11115 ლიტრისა;
- 2) 0,5 ლ ტევადობის ბოთლებში დაფასებული წყლისა – არაუმეტეს 2500 ლიტრისა;

გ) შესყიდვის ობიექტის სავარაუდო ღირებულება სულ – 6850 (ექვსიათასრვაას–ორმოცდაათი) ლარი, საიდანაც 3850 ლარი საბიუჯეტო სახსრებია (საბიუჯეტო სახსრებით ანაზღაურდება მხოლოდ 19 ლ ბოცებში დაფასებული წყლის ღირებულება) და 3000 ლარი – ეკონომიკური საქმიანობით მიღებული საკუთარი შემოსავლები;

დ) შესყიდვის ობიექტის მიწოდების ვადები – შესაბამისი სახელმწიფო შესყიდვის ხელშეკრულების გაფორმების მომდევნო დღიდან 2013 წლის 21 დეკემბრამდე;

ე) შესყიდვის ობიექტის მიწოდების პირობები:

შემსყიდველი ტელეფონით აცნობებს მიმწოდებელს წყლის მიწოდების საჭიროების, მისაწოდებელი წყლის მოცულობისა და მიწოდების ვადის შესახებ. მისაწოდებელი წყლის მოცულობა ჯერადი უნდა იყოს წყლის ჭურჭლის ტევადობისა, ხოლო მიწოდების ვადა არ უნდა იყოს ნაკლები ორ სამუშაო დღეზე სატელეფონო შეტყობინების გაგზავნის დღიდან.

მიმწოდებელი ვალდებულია, დათქმულ ვადაში, სამუშაო დღეს, არაუგვიანეს 18 საათისა, მიაწოდოს შემსყიდველს დათქმული მოცულობის წყალი.

ბოცები, რომლითაც მიმწოდებელი აწვდის წყალს შემსყიდველს, არის დასაბრუნებელი ტარა და წარმოადგენს მიმწოდებლის საკუთრებას. შემსყიდველი ვალდებულია, შეინახოს და მოუაროს დაცლილ ბოცებს და დაუბრუნოს ისინი მიმწოდებელს წყლის ახალი პარტიის მიწოდებისას.

ვ) შესყიდვის ობიექტის მიღება–ჩაბარების პირობები:

წყლის გადაცემა–მიღება ფორმდება მიღება–ჩაბარების აქტით, რომელშიც უნდა აისახოს გადაცემული წყლის მოცულობა და იმ ჭურჭლის რაოდენობა, რომელშიც დაფასებულია ეს წყალი.

დასაბრუნებელი ტარის მიმწოდებლისათვის დაბრუნება ფორმდება მიღება–ჩაბარების ცალკე აქტით, რომელშიც აისახება ამ ტარის რაოდენობა.

შესყიდვის ობიექტის, ისევე, როგორც დასაბრუნებელი ტარის ტრანსპორტირებას შესყიდვის ობიექტის მიწოდების ადგილამდე და იქიდან ახორციელებს მიმწოდებელი. ტრანსპორტირების ხარჯები ცალკე ანაზღაურებას არ ექვემდებარება.

ზ) შესყიდვის ობიექტის მიწოდების ადგილები:

- შემსყიდველის ადგილსამყოფელი – ქუთაისი, ნიკეას ქუჩა, 13,
- შემსყიდველის ფილიალების ადგილსამყოფლები (მხოლოდ 19 ლ ტევადობის ბოცებში დაფასებული წყალი):
 - ახალქალაქი, თამარ მეფის ქუჩა, 33, №3 საჯარო სკოლის შენობა;

- გარდაბანი, №3 საჯარო სკოლის შენობა;
- დმანისი, 9 აპრილის ქუჩა, 2, №1 საჯარო სკოლის შენობა,
- საგარეჯოს მუნიციპალიტეტი, სოფელი ლამბალო, ქართული ენის სახლი,
- მარნეული, რუსთაველის ქუჩა, კულტურის სახლის მიმდებარე ტერიტორია, ქართული ენის სახლი,
- წალკა, არისტოტელეს ქუჩა, 2, გამგეობის შენობა.

თ) ანგარიშსწორების პირობები და ვადები:

შემსყიდველი აუნაზღაურებს მიმწოდებელს მიღებული წყლის ღირებულებას ყოველთვიურად, საანგარიშო თვის განმავლობაში ფაქტობრივად მიწოდებულ წყალზე შევსებული შესაბამისი სასაქონლო ზედნადების მიღებიდან ათი დღის ვადაში, საბანკო ანგარიშზე (რომელიც მითითებულია სახელმწიფო შესყიდვის ხელშეკრულებაში) თანხის გადარიცხვის გზით.

2. ინსტრუქცია ტენდერში მონაწილეთათვის

2.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

2.2 სატენდერო წინადადების წარდგენისათვის უნდა იყოს დარეგისტრირებული შესყიდვების ერთიან ელექტრონულ სისტემაში (შემდგომში – სისტემა – სახელმწიფო შესყიდვების სააგენტოს მიერ ადმინისტრირებადი სახელმწიფო შესყიდვების პორტალი www.procurement.gov.ge) მიმწოდებლის სტატუსით. შემდეგ ვალდებული ხართ სისტემაშივე გაეცნოთ აფიდავიტს და დაეთანხმოთ მას. გაცნობას და თანხმობას ადასტურებთ სისტემის მეშვეობით.

2.3 ამის შემდეგ მიმწოდებელი ვალდებულია, ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური. გადახდების საწარმოებლად თქვენ უნდა გქონდეთ ნებისმიერი ბანკის მიერ გაცემული პლასტიკური ბიზნეს-ბარათი.

2.4 სატენდერო წინადადების უზრუნველყოფის გარანტიის ოდენობა შეადგენს შესყიდვის ობიექტის სავარაუდო ღირებულების 1 (ერთ) პროცენტს. ტენდერში მონაწილეობის საფასური შეადგენს 50 ლარს.

2.5 ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების დროებითი ტექნიკური გაუმართაობის შემთხვევაში, ელექტრონული გარანტიის წარდგენა და საფასურის გადახდა ყოველ კონკრეტულ ტენდერში შესაძლებელია განხორციელდეს სისტემის გამოყენების გარეშე.

2.6 ამ ინსტრუქციის 2.5 პუნქტით გათვალისწინებულ შემთხვევაში, როდესაც ხდება ელექტრონული გარანტიის წარდგენა და საფასურის გადახდა სისტემის გამოყენების გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველ ორგანიზაციას. აღნიშნული ქმედებების განხორციელების გარეშე თქვენ არ გქენებათ სატენდერო წინადადების წარდგენისა და, შესაბამისად, ტენდერში მონაწილეობის შესაძლებლობა.

2.7 მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ, სისტემის მეშვეობით წარადგინოთ სატენდერო წინადადება.

2.8 სატენდერო წინადადება შედგება სატენდერო წინადადების ფასისა და ტექნიკური დოკუმენტაციისგან.

2.9. სატენდერო წინადადების ფასი უნდა მიუთითოთ სისტემის შესაბამის ველში ტექნიკური დოკუმენტაციის ატვირთვის შემდეგ.

2.10. ტექნიკური დოკუმენტაცია არის დოკუმენტების ერთობლიობა (გარდა ადმინისტრაციული ორგანოებიდან წარმოსადგენი, საკვალიფიკაციო მონაცემების დამადასტურებელი დოკუმენტებისა, რომლებიც ტენდერის დასრულების შემდეგ უნდა წარმოადგინოს მხოლოდ გამარჯვებულმა პრეტენდენტმა), რომლებიც ასახავს ნებისმიერი სახის ინფორმაციას შესყიდვის ობიექტისა და პრეტენდენტის შესახებ და რომლებიც მოთხოვნილია სატენდერო განცხადებითა და სატენდერო დოკუმენტაციით. ეს დოკუმენტები, ამოზეჭდილი და პრეტენდენტის წარმომადგენლობაზე უფლებამოსილი პირის ხელმოწერით დამოწმებული, უნდა

დაასკანეროთ, გააერთიანოთ .pdf ფორმატის ერთ ფაილში და ამ სახით ატვირთოთ სისტემაში.

2.11. ტექნიკური დოკუმენტაციის ატვირთვის შემდეგ თქვენ გაქვთ შესაძლებლობა, მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

2.12. სატენდერო წინადადების ფასის მითითებისთანავე თქვენ უფლება გაქვთ, მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

2.13. ძირითად დროში უფლება გაქვთ, ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

2.14. ბიჯი არის სატენდერო წინადადების ფასის კლების წინასაწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

2.15. დამატებითი რაუნდების თითოეულ რაუნდში პრეტენდენტს უფლება აქვს, მხოლოდ ერთხელ შეამციროს წინადადების ფასი, რისთვისაც განესაზღვრება 2-5 წუთი. დამატებით რაუნდებში მონაწილეობა სავალდებულო არ არის. პრეტენდენტს უფლება აქვს, რაუნდში მონაწილეობა არ მიიღოს და, შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

2.16. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით. კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

2.17. მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

2.18. იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

2.19. თუ ყველაზე დაბალი ფასის მქონე პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს ვადას, არაუმეტეს 3 დღისა, ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

2.20. თუ ყველაზე დაბალი ფასის მქონე პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

2.21. იმ შემთხვევაში, თუ ყველაზე დაბალი ფასის მქონე პრეტენდენტმა წარმატებით გაირა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

2.22 . პრეტენდენტის დისკვალიფიკაცია ხდება შემდეგ შემთხვევებში:

ა) პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე მონაცემების წარმოდგენისას;

ბ) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;

გ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;

დ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის წარდგენის ვალდებულების არსებობის შემთხვევაში) კანონმდებლობით გათვალისწინებულ ვადაში;

ე) პრეტენდენტის მიერ არაკეთილსინდისიერი ქმედების განხორციელებისას.

2.23. ამ ინსტრუქციის 2.22 ქვეპუნქტით გათვალისწინებულ შემთხვევებში შემსყიდველ ორგანიზაციას უფლება აქვს, მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

2.24. გამარტივებული ელექტრონული ტენდერის ან ელექტრონული ტენდერის ჩატარებისას, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ქ“, „რ“ და „ტ“ ქვეპუნქტებით გათვალისწინებული ეტაპის შემდეგ ელექტრონული გარანტია უბრუნდება პრეტენდენტს, გარდა იმ შემთხვევებისა, როდესაც:

ა) პრეტენდენტი უარს იტყვის თავის სატენდერო წინადადებაზე;

ბ) პრეტენდენტი შეყვანილია შავ სიაში შესაბამისი ტენდერის ჩატარების შედეგად;

გ) პრეტენდენტი დისკვალიფიცირებულია საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე საკვალიფიკაციო მონაცემების დამადასტურებელი დოკუმენტების წარმოდგენის შემთხვევაში.

2.25. იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის 2.24 პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნისთანავე.

2.26 . ელექტრონული ტენდერის შეწყვეტა:

ა) სატენდერო კომისიას უფლება აქვს, შეწყვიტოს ტენდერი, თუ ყველაზე დაბალი ფასის მქონე პრეტენდენტის დისკვალიფიკაციის შემდეგ მომდევნო ყველაზე დაბალი ფასის მქონე პრეტენდენტის წინადადების ფასი მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს, გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, ანაზღაუროს შესყიდვაში მონაწილეობასთან დაკავშირებული ხარჯები.

2.27. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს სანოტარო წესით დამოწმებული ქართული თარგმანი.

2.28. დავის შემთხვევაში პრიორიტეტის მინიჭების საკითხს უხო ენაზე შედგენილ დოკუმენტსა და მის ქართულად თარგმანს შორის წყვეტს სატენდერო კომისია.

2.29. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

2.30. ხელშეკრულების ფორმა და პირობები მოცემულია სატენდერო დოკუმენტაციის დანართში. ხელშეკრულება დაზუსტდება მისი დადების მომენტისათვის სატენდერო წინადადების შესაბამისად.

2.31. პრეტენდენტს არა აქვს უფლება, წარმოადგინოს ალტერნატიული წინადადება

3. ტექნიკური დოკუმენტაცია

3.1. ტექნიკური დოკუმენტაცია არის საბუთების ერთობლიობა, რომელთა ნაწილი პრეტენდენტმა ელექტრონულად უნდა ატვირთოს სისტემაში, დანარჩენი კი, ტენდერში გამარჯვების შემთხვევაში, ქაღალდზე ნაბეჭდი ორიგინალების სახით წარმოდგინოს შესყიდველს ფოსტის ან კურიერის მეშვეობით.

3.2. სისტემაში ელექტრონულად უნდა აიტვირთოს შემდეგი საბუთები:

- ა) სატენდერო წინადადება დანართი 1–ის შესაბამისად,
- ბ) პრეტენდენტის რეკვიზიტები დანართი 2–ის შესაბამისად,
- გ) ფასების ცხრილი დანართი 3–ის შესაბამისად,

3.3. თუ პრეტენდენტი აპირებს, მისი წინადადების გამარჯვების შემთხვევაში ხელშეკრულებით ნაკისრი ვალდებულებების შესასრულებლად გამოიყენოს ქვეკონტრაქტორი (ქვეკონტრაქტორები), სისტემაში, გარდა ზემოთაღნიშნულისა, უნდა ატვირთოს ამ ინსტრუქციის 3.2 პუნქტის „ბ“ ქვეპუნქტით განსაზღვრული დოკუმენტი ყოველი ქვეკონტრაქტორის მონაცემებით.

3.4. გამარჯვებულმა პრეტენდენტმა, შემსყიდველის შესაბამისი მოთხოვნის მიღებიდან ხუთი დღის ვადაში, შემსყიდველს უნდა წარუდგინოს პრეტენდენტის კვალიფიკაციის დამადასტურებელი შემდეგი საბუთი:

ა) პირადობის მოწმობა ან პასპორტი – ფიზიკურმა პირებმა, რომლებიც არ არიან რეგისტრირებული საქართველოში ინდივიდუალურ მეწარმედ;

ბ) ამონაწერი მეწარმეთა და არასამეწარმეო (არაკომერციულ) იურიდიულ პირთა რეესტრიდან, გაცემული არაუადრეს 2013 წლის 15 აპრილისა ან მისი შემცვლელი შესაბამისი დოკუმენტი, გაცემული უცხო ქვეყნის შესაბამისი უფლებამოსილი ორგანოს მიერ, თანდართული თარგმანით ქართულ ენაზე, რომელიც დამოწმებული უნდა იყოს სანოტარო წესით – არარეზიდენტმა პრეტენდენტებმა;

გ) დაფუძნების ნორმატიული აქტის ასლი და წესდება, დამოწმებული პრეტენდენტის მიერ – საქართველოს საჯარო სამართლის იურიდიული პირებმა.

3.5. გამარჯვებულმა პრეტენდენტმა თავისი კვალიფიკაციის დამადასტურებელ საბუთებთან ერთად შემსყიდველს უნდა წარუდგინოს დაზუსტებული ფასების ცხრილი (დანართ 3–ის შესაბამისად), კორექტირებული ისე, რომ მოსაწოდებელი საქონლის ღირებულება ზუსტად შეესაბამებოდეს ამ პრეტენდენტის მიერ ელექტრონული ვაჭრობის პროცესში დაფიქსირებულ საბოლოო ფასს.

3.6. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

4. დამატებითი ინფორმაცია

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში: ქ. ქუთაისი, ნიკეას ქუჩა, 13, ტელ.: (431) 23 26 00, ელ. ფოსტა: zsps@zsps.ge
საკონტაქტო პირი: გია ცუცხვაშვილი.

წინამდებარე დოკუმენტი წარმოადგენს სახელმწიფო შესყიდვების შესახებ იმ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამოვლენილ გამარჯვებულ პრეტენდენტთან. ხელშეკრულების პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც თან დაერთვის ხელშეკრულებას, როგორც მისი განუყოფელი ნაწილი.

პროექტი

ხელშეკრულება სახელმწიფო შესყიდვის შესახებ

წინამდებარე ხელშეკრულება დადებულია “_____” _____ 2013 წ. ერთის მხრივ საჯარო სამართლის იურიდიულ პირს – ზურაბ ჟვანიას სახელობის სახელმწიფო ადმინისტრირების სკოლას (მისამართი: ქალაქი ქუთაისი, ნიკვას ქუჩა, 13; ტელ./ფაქსი: (231) 3 26 00, გადასახადის გადამხდელის საიდენტიფიკაციო ნომერი 212852055, საბანკო ანგარიში № GE52BR00000103009346693 ს.ს. „ბანკ „რესპუბლიკის“ ქუთაისის ფილიალში, ბანკის კოდი REPLGE22; შემდგომში “შემსყიდველი”) და მეორეს მხრივ _____

(შემდგომში “მიმწოდებელი”)

(მიმწოდებლის დასახელება და რეკვიზიტები)

შორის.

შემსყიდველმა გამოაცხადა ტენდერი 19 ლ ტევადობის, წყლის საოფისე დისპენსერზე დასადგმელ ბოცებში დაფასოებული, არაუმეტეს 11115 ლიტრი სასმელი არაგაზირებული მინერალური წყლისა და პოლიეთილენის 0,5 ლ ტევადობის ბოთლებში დაფასოებული არაუმეტეს 2500 ლიტრი სასმელი არაგაზირებული მინერალური წყლის შესყიდვაზე საქართველოს 2013 წლის სახელმწიფო ბიუჯეტის ასიგნებების და ეკონომიკური საქმიანობით მიღებული საკუთარი შემოსავლების ხარჯზე და მიიღო მიმწოდებლისაგან სატენდერო წინადადება აღნიშნული საქონლის (CPV კლასიფიკატორის დანაყოფის კოდი – 15900000 – სასმელები, თამბაქო და მონათესავე პროდუქტები, შესყიდვის ობიექტების CPV კოდი – 15981100 – არაგაზირებული მინერალური წყალი) მიწოდებაზე შემდეგ ფასად (შემდგომში “ხელშეკრულების ფასი”):

(ხელშეკრულების თანხა ციფრობრივად, სიტყვიერად და ვალუტის ჩვენებით)

საიდანაც არაუმეტეს _____ ლარისა (მხოლოდ 19 ლ ტევადობის ბოცებში დაფასოებული წყლის ღირებულება) ანაზღაურდება საქართველოს 2013 წლის სახელმწიფო ბიუჯეტის ასიგნებებიდან და არაუმეტეს _____ ლარისა – ეკონომიკური საქმიანობით მიღებული საკუთარი შემოსავლებიდან.

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობას, რაც მათ აქვთ მინიჭებული ხელშეკრულების პირობებში.

2. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:

- ა) წინამდებარე ხელშეკრულება;
- ბ) ტექნიკური დავალება;
- გ) მიმწოდებლის მიერ წარმოდგენილი ტექნიკური დოკუმენტაცია;
- დ) ხელშეკრულების საერთო პირობები;
- ე) ხელშეკრულების სპეციფიკური პირობები.

3. მიმწოდებელი იღებს ვალდებულებას, მიაწოდოს შემსყიდველს ზემოაღნიშნული საქონელი ხელშეკრულების პირობების შესაბამისად.

4. შემსყიდველი იღებს ვალდებულებას, აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადებში და ფორმით.

ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

ხელის მოწერა და ბეჭედი

გია ცუცხვაშვილი, სსიპ ზურაბ ჟვანიას სახელობის სახელმწიფო ადმინისტრირების სკოლის
დირექტორი

ხელის მოწერა და ბეჭედი

(მიმწოდებლის უფლებამოსილი პირის სახელი, გვარი, თანამდებობა)

ხელშეკრულების საერთო პირობები

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. “ხელშეკრულება სახელმწიფო შესყიდვის შესახებ” (შემდგომ - “ხელშეკრულება”) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3. “შემსყიდველი ორგანიზაცია” (შემდგომ “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4. “მიმწოდებელი” ნიშნავს პირს, რომელმაც მოიპოვა გამარჯვება ტენდერში და აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;

1.5. “დღე”, “კვირა”, “თვე” ნიშნავს კალენდარულ დღეს, კვირას, თვეს.

2. სტანდარტები

ხელშეკრულების ფარგლებში მიწოდებული საქონელი უნდა შეესაბამებოდეს ტექნიკურ პირობებში მითითებულ სტანდარტებს.

3. საპატენტო უფლებები

3.1. საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

4. ხელშეკრულების შესრულების კონტროლი

4.1. შემსყიდველს ან მის წარმომადგენლებს უფლება აქვთ, განახორციელონ ტექნიკური კონტროლი და/ან გამოცადონ საქონელი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან. ხელშეკრულების სპეციფიკურ პირობებში და/ან ტექნიკურ პირობებში უნდა იყოს მითითება, თუ რა სახის შემოწმებები და გამოცდები სჭირდება შემსყიდველს და, ასევე, სად უნდა გაიმართოს ისინი. შემსყიდველმა წერილობითი სახით და თავისდროულად უნდა აცნობოს მიმწოდებელს ამ მიზნებისათვის განკუთვნილი თავისი წარმომადგენლების შესახებ.

4.2. მიმწოდებელი ვალდებულია, საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მისი შრომის ანაზღაურებას უზრუნველყოფს თვით შემსყიდველი.

4.3. მიმწოდებელი ვალდებულია, საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის

აღმოფხვრა, წუნდებული საქონლის შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.

4.4. ამ მუხლის არცერთი პუნქტი არ ათავისუფლებს მიმწოდებელს მოცემული ხელშეკრულების გარანტიის ან სხვა ვალდებულებებისაგან.

5. შეფუთვა

5.1. მიმწოდებელმა უნდა უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან ფასების ცხრილში მითითებულ დანიშნულების ადგილამდე ტრანსპორტირების პროცესში. შეფუთვამ უნდა გაუძლოს ინტენსიურ ამწევ-გადასატვირთ ზემოქმედებას, გადატვირთვის დროს ექსტრემალური ტემპერატურის, მარილების და ნალექის ზემოქმედებას, ასევე ღია ცის ქვეშ შენახვას.

5.2. შეფუთვის სახეობა, თითოეული ფუთის გაბარიტები და წონა, მისი მარკირება და თანმხლები დოკუმენტები უნდა შეესაბამებოდეს შემსყიდველის მიერ განსაზღვრულ სპეციალურ მოთხოვნებს.

6. საქონლის მიწოდების პირობები

6.1. საქონლის მიწოდება ხორციელდება მიმწოდებლის მიერ საქონლის მიწოდების გრაფიკის შესაბამისად. დეტალური ინფორმაცია ტრანსპორტირების და მასთან დაკავშირებული უფლება-მოვალეობების გამიჯვნის შესახებ მოყვანილია ხელშეკრულების სპეციფიკურ პირობებში.

6.2. დოკუმენტები, რომლებიც წარმოდგენილ უნდა იქნას მიმწოდებლის მიერ საქონლის გადატვირთვისას, მითითებულია ხელშეკრულების სპეციფიკურ პირობებში.

7. დაზღვევა

არ გამოიყენება

8. თანმდევი მომსახურება

არ გამოიყენება

9. სათადარიგო ნაწილები

არ გამოიყენება

10. შესყიდვის ობიექტის მიღება-ჩაბარების წესი

10.1. შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ, თუ ხელშეკრულების სპეციფიკური პირობებით სხვა რამ არ არის გათვალისწინებული.

10.2. შესყიდვის ობიექტის მიღებისა და საბოლოო შემოწმების ადგილი, პირობები, ეტაპები და წესი ასახულია ხელშეკრულების სპეციფიკურ პირობებში.

10.3. შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

10.4. შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული საქონლის რაოდენობის და წუნდების მიზეზის მითითებით.

11. გარანტია

11.1. მიმწოდებელი იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.

11.2. ამ გარანტიის მოქმედების ვადა განისაზღვრება ხელშეკრულების სპეციფიკური პირობებით.

11.3. მიმწოდებელი ვალდებულია, შეტყობინების მიღებისთანავე განახორციელოს წუნდებული საქონლის ან მისი ნაწილის შეკეთება ან შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

11.4. გარანტიის მოქმედების პერიოდში მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს, თვითონ მიიღოს ზომები საქონლის ექსპლუატაციის პროცესში წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

12. ანგარიშსწორება

12.1. ანგარიშსწორება მიმწოდებელთან განხორციელდება ხელშეკრულების სპეციფიკურ პირობებში მითითებული ფორმითა და ვადებში მიმწოდებლის წერილობითი მიმართვის საფუძველზე.

12.2. მიმწოდებლის წერილობით მოთხოვნას ანგარიშსწორების თაობაზე უნდა დაერთოს ხელშეკრულების სპეციფიკურ პირობებში მითითებული დოკუმენტაცია.

13. ანგარიშსწორების ვალუტა

13.1. ანგარიშსწორება მიმწოდებელთან განხორციელდება ლარებში (თუ მიმწოდებელი საქართველოს რეზიდენტია).

13.2. ანგარიშსწორება განხორციელდება ლარებში.

14. ფასები

14.1. შემსყიდველის მიერ საქონლის მიწოდებისა და თანმდევი მომსახურების გაწევის ხელშეკრულებაში მითითებული ფასები არ უნდა აღემატებოდეს მიმწოდებლის მიერ სატენდერო წინადადებაში მითითებულ ფასებს.

14.2. ხელშეკრულებაში მითითებული ფასების შეცვლა დასაშვებია მხოლოდ იმ შემთხვევაში თუ ასეთი რამ გათვალისწინებულია ხელშეკრულების სპეციფიკურ პირობებში.

15. ხელშეკრულებაში ცვლილებების შეტანა

15.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

15.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია, წერილობით შეატყობინოს მეორე მხარეს შესაბამისი ინფორმაცია.

15.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა

საქართველოს სამოქალაქო კოდექსის 398-ე მუხლით დადგენილი შემთხვევებისა "სახელმწიფო შესყიდვების შესახებ" საქართველოს კანონის და ამ დებულების მოთხოვნათა გათვალისწინებით.

15.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

16. უფლებების გადაცემა

16.1. მიმწოდებელმა, შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები.

17. სუბკონტრაქტორები

17.1. მიმწოდებელმა წერილობით უნდა აცნობოს შემსყიდველს მოცემული ხელშეკრულების ფარგლებში დადებული ყველა სუბკონტრაქტის შესახებ, თუ ეს უკვე არ არის მითითებული სატენდერო წინადადებაში.

17.2. ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

17.3. ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით არსებული მატერიალური ან სხვა ვალდებულებებისაგან.

18. ხელშეკრულების შესრულების შეფერხება

18.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება, მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

18.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

19. ხელშეკრულების შესრულების გარანტია (ამ მექანიზმის გამოყენების შემთხვევაში)

არ გამოიყენება

20. ხელშეკრულების პირობების შეუსრულებლობა

20.1. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების სპეციფიკურ პირობებში.

20.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

21. ხელშეკრულების შეწყვეტა მისი პირობების შეუსრულებლობის გამო

21.1. შემსყიდველს შეუძლია, მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია, მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია, შეასრულოს ხელშეკრულებით გათვალისწინებული რომელიმე ვალდებულება.

21.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

21.3. შემსყიდველს შეუძლია, მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

21.4. ამ მუხლის მე-3 პუნქტში მითითებულ შემთხვევებში შემსყიდველი ვალდებულია, აუნაზღაუროს მიმწოდებელს ფაქტიურად მიღებული საქონლის ღირებულება.

22. ფორს-მაჟორი

22.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

22.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

22.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და

შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს, გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

23. სადაო საკითხების გადაწყვეტა

23.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

23.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს, დავის გადაწყვეტის მიზნით, შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

24. გამოყენებული სამართალი

24.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

25. ხელშეკრულების ენა

25.1. ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

26. შეტყობინება

26.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით მეორე მხარის ხელშეკრულებაში მითითებულ მისამართზე.

26.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

27. გადასახადები და დაბეგვრა

27.1. უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

27.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა

გადასახდელების გადახდაზე, თუ ხელშეკრულების სპეციფიკური პირობებით სხვა
რამ არ არის გათვალისწინებული.

ხელშეკრულების სპეციფიკური პირობები

1. ხელშეკრულების დამდები მხარეები

„შემსყიდველი“:

- სახელწოდება: საჯარო სამართლის იურიდიული პირი – ზურაბ ჟვანიას სახელობის სახელმწიფო ადმინისტრირების სკოლა,
- მისამართი: 4600, ქალაქი ქუთაისი, ნიკეას ქუჩა, 13,
- გადასახადის გადამხდელის საიდენტიფიკაციო ნომერი: 212852055,
- ტელ./ფაქსი: (431) 23 26 00,
- ელექტრონული ფოსტა: zspa@zspa.ge,
- საბანკო ანგარიში: № GE52BR00000103009346693,
- საბანკო დაწესებულება: ს.ს. „ბანკი „რესპუბლიკა“, ქუთაისის №2 სერვის-ცენტრი,
- ბანკის კოდი: REPLGE22.

„მიმწოდებელი“:

- სახელწოდება:
- მისამართი:
- გადასახადის გადამხდელის საიდენტიფიკაციო ნომერი:
- ტელეფონი:
- ფაქსი:
- ელექტრონული ფოსტა:
- საბანკო ანგარიში №
- საბანკო დაწესებულება:
- ბანკის კოდი:

2. ხელშეკრულების შესრულების კონტროლი (4)

შემსყიდველი უფლებამოსილია, განახორციელოს მიმწოდებლის მიერ ხელშეკრულებით ნაკისრი ვალდებულებების შესრულების კონტროლი შესყიდვის ობიექტის ყოველი მიღებისას. კონტროლი მოიცავს მიწოდებული საქონლის დათვლას, შეფუთვის მთლიანობისა და ჭურჭლის დალუქულობის შემოწმებას და საქონლის ვიზუალურ შემოწმებას ტექნიკურ პირობებთან შესაბამისობაზე. კონტროლს ახორციელებს შემსყიდველის სამეურნეო სამსახურის უფროსი.

3. შეფუთვა (5)

შესყიდვის ობიექტი დაფასოებული უნდა იყოს:

ა) პოლიეთილენის სპეციალურ გამჭვირვალე ჭურჭელში, რომელიც განკუთვნილია წყლის სტანდარტულ საოფისე დისპენსერებზე დასადგმელად და აქვს სახელური, მომარჯვებული ისე, რომ სავსე ჭურჭლის გადატანა შეეძლოს ერთ ადამიანს; ჭურჭლის ტევადობაა 19 ლიტრი; ჭურჭელი დალუქული უნდა იყოს ქარხნული წესით ისე, რომ დაზიანებული ლუქის მთლიანობის აღდგენა შეუძლებელი იყოს კუსტარული წესით; ყოველ ჭურჭელს უნდა ჰქონდეს სტამბური წესით დაბეჭდილი იარლიყი, რომელზეც დატანილი იქნება მწარმოებლის დასახელება და მისამართი, ჭურჭელში ჩასხმული წყლის მოცულობა, წყლის

ქიმიური შემადგენლობა, ჩამოსხმის თარიღი და ვარგისიანობის ვადა; დალუქული წყლიანი ჭურჭელი მიწოდებისას ისე უნდა იყოს შეფუთული, რომ ტრანსპორტირებისას არ დაზიანდეს იარლიყი და არ დაისვაროს ჭურჭელი;

ა) პოლიეთილენის გამჭვირვალე ბოთლში; ბოთლის ტევადობაა 0,5 ლიტრი; ჭურჭელი დალუქული უნდა იყოს ქარხნული წესით ისე, რომ დაზიანებული ლუქის მთლიანობის აღდგენა შეუძლებელი იყოს კუსტარული წესით; ყოველ ჭურჭელს უნდა ჰქონდეს სტამბური წესით დაბეჭდილი იარლიყი, რომელზეც დატანილი იქნება მწარმოებლის დასახელება და მისამართი, ჭურჭელში ჩასხმული წყლის მოცულობა, წყლის ქიმიური შემადგენლობა, ჩამოსხმის თარიღი და ვარგისიანობის ვადა; დალუქული წყლიანი ჭურჭელი მიწოდებისას ისე უნდა იყოს შეფუთული, რომ ტრანსპორტირებისას არ დაზიანდეს იარლიყი და არ დაისვაროს ჭურჭელი;

4. საქონლის მიწოდების პირობები (6)

შემსყიდველი ტელეფონით აცნობებს მიმწოდებელს წყლის მიწოდების საჭიროების, მისაწოდებელი წყლის მოცულობის, მიწოდების ვადისა და მიწოდების ადგილის შესახებ. მისაწოდებელი წყლის მოცულობა ჯერადი უნდა იყოს წყლის ჭურჭლის ტევადობისა, ხოლო მიწოდების ვადა არ უნდა იყოს ნაკლები ორ სამუშაო დღეზე სატელეფონო შეტყობინების გაგზავნის დღიდან. მიმწოდებელი ვალდებულია, დათქმულ ვადაში, სამუშაო დღეს, არაუგვიანეს 18 საათისა, მიაწოდოს შემსყიდველს დათქმული მოცულობის წყალი შესაბამის ადგილზე.

მიწოდების ადგილებია შემსყიდველისა და მისი რეგიონული სასწავლო ცენტრების ადგილსამყოფლები:

- შემსყიდველის ადგილსამყოფელი – ქუთაისი, ნიკეას ქუჩა, 13,
- შემსყიდველის რეგიონული სასწავლო ცენტრების ადგილსამყოფლები (მხოლოდ 19 ლ ტევადობის ბოცებში დაფასოებული წყალი):
 - ახალქალაქი, თამარ მეფის ქუჩა, 33, №3 საჯარო სკოლის შენობა;
 - გარდაბანი, №3 საჯარო სკოლის შენობა;
 - დმანისი, 9 აპრილის ქუჩა, 2, №1 საჯარო სკოლის შენობა,
 - საგარეჯოს მუნიციპალიტეტი, სოფელი ლამბალო, ქართული ენის სახლი,
 - მარნეული, რუსთაველის ქუჩა, კულტურის სახლის მიმდებარე ტერიტორია, ქართული ენის სახლი,
 - წალკა, არისტოტელეს ქუჩა, 2, გამგეობის შენობა.

ბოცები, რომლითაც მიმწოდებელი აწვდის წყალს შემსყიდველს, არის დასაბრუნებელი ტარა და წარმოადგენს მიმწოდებლის საკუთრებას. შემსყიდველი ვალდებულია, შეინახოს და მოუაროს დაცლილ ბოცებს და დაუბრუნოს იგი მიმწოდებელს წყლის ახალი პარტიის მიწოდებისას. შესყიდვის ობიექტის, ისევე, როგორც დასაბრუნებელი ტარის ტრანსპორტირებას შესყიდვის ობიექტის მიწოდების ადგილამდე და იქიდან ახორციელებს მიმწოდებელი. ტრანსპორტირების ხარჯები შედის ხელშეკრულების ღირებულებაში და ცალკე ანაზღაურებას არ ექვემდებარება.

5. დაზღვევა (7)

არ გამოიყენება

6. შესყიდვის ობიექტის მიღება-ჩაბარების წესი (10)

წყლის გადაცემა-მიღება ფორმდება მიღება-ჩაბარების აქტით, რომელშიც უნდა აისახოს გადაცემული წყლის მოცულობა და იმ ჭურჭლის რაოდენობა, რომელშიც დაფასოებულია ეს წყალი. დასაბრუნებელი ტარის მიმწოდებლისათვის დაბრუნება ფორმდება მიღება-ჩაბარების ცალკე აქტით, რომელშიც აისახება ამ ჭურჭლის რაოდენობა. მიღება-ჩაბარების აქტებს შემსყიდველის მხრიდან ხელს აწერს:

ქუთაისში – შემსყიდველის სამეურნეო სამსახურის უფროსი,

რეგიონულ სასწავლო ცენტრებში – შესაბამისი რეგიონული სასწავლო ცენტრის ადმინისტრატორი.

7. გარანტია (11)

არ გამოიყენება

8. ანგარიშსწორება (12)

1. ანგარიშსწორების ფორმა იქნება საბანკო გადარიცხვა.

2. ანგარიშსწორების ვადა: ყოველთვიურად, 10 დღის ვადაში ანგარიშსწორების განხორციელებისათვის საჭირო დოკუმენტების წარმოდგენის დღიდან.

3. ანგარიშსწორების განხორციელებისათვის მიმწოდებელმა უნდა წარმოადგინოს შემდეგი დოკუმენტები: სასაქონლო ზედნადები, ანგარიშ-ფაქტურა (თუ მიმწოდებელი დღგ გადამხდელია) და მიღება-ჩაბარების აქტები.

10. ფასები (14)

ხელშეკრულებაში მითითებული ფასების შეცვლა დაუშვებელია.

11. ხელშეკრულების შესრულების გარანტია (19)

არ გამოიყენება

12. ხელშეკრულების პირობების შეუსრულებლობა (20)

ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მიმწოდებელს ეკისრება პირგასამტეხლო:

- წყლის მიწოდების დაგვიანებისას – დროულად მიუწოდებელი წყლის ღირებულების 0,1 (ნოლი მთელი და ერთი მეათედი) პროცენტის ოდენობით მიწოდების დაგვიანების ყოველ დღეზე.

იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათ) პროცენტს, შემსყიდველს უფლება აქვს, შეწყვიტოს ხელშეკრულება.

შემსყიდველის მიზეზით დასაბრუნებელი ტარის დაზიანების ან დაკარგვის შემთხვევაში შემსყიდველი ვალდებულია, აუნაზღაუროს მიმწოდებელს ამ ტარის ღირებულება ფასების ცხრილის შესაბამისად.

13. სადაო საკითხების გადაწყვეტა (23)

სადაო საკითხების გადასაწყვეტად გამოიყენება საქართველოს სამართალი.

სატენდერო წინადადება

თარიღი:

ვის: საჯარო სამართლის იურიდიულ პირს ზურაბ ჟვანიას სახელობის სახელმწიფო ადმინისტრირების სკოლას (ქ. ქუთაისი, ნიკეას ქ. №13)

ვისგან: (პრეტენდენტის სრული დასახელება და მისამართი)

შევსწავლეთ რა სატენდერო წინადადება (სატენდერო განცხადების № _____)

(მოუთხოვთ განცხადების ნომერი და კატეგორია სისტემის მიხედვით)

ყველა დანართის ჩათვლით, თანახმა ვართ, სატენდერო დოკუმენტაციის შესაბამისად განვახორციელოთ არაუმეტეს 11115 ლიტრი, წყლის საოფისე დისპენსერზე დასადგმელ, 19 ლ ტევადობის პლასტიკატის ბოცებში ქარხნულად დაფასოებული სასმელი არაგაზირებული მინერალური წყლისა და არაუმეტეს 2500 ლიტრი პოლიეთილენის 0,5 ლ ტევადობის ბოთლებში დაფასოებული სასმელი არაგაზირებული მინერალური წყლის მოწოდება და გთავაზობთ ზემოაღნიშნულის შესრულებას შემდეგ ფასად:

_____ (_____) ლარი

ჩვენი სატენდერო წინადადების გამარჯვების შემთხვევაში ვიღებთ ვალდებულებას, დავიწყოთ საქონლის მოწოდება სახელმწიფო შესყიდვის შესახებ ხელშეკრულების ძალაში შესვლის დღიდან და დავასრულოთ 2013 წლის 20 დეკემბერს.

წინამდებარე სატენდერო წინადადება ძალაშია 30 დღის განმავლობაში, დაწყებული შემდეგი თარიღიდან: _____.

სატენდერო წინადადება სატენდერო განცხადებაზე # _____

პრეტენდენტის დასახელება და მისამართი _____

პრეტენდენტის (სუბკონტრაქტორის) რეკვიზიტები:

იურიდიული ფორმა და დასახელება:

ხელმძღვანელის სახელი და გვარი:

იურიდიული ან/და ფაქტიური მისამართი:

საიდენტიფიკაციო კოდი:

ტელეფონის ნომერი:

ელექტრონული ფოსტის მისამართი:

ბანკის დასახელება:

ბანკის კოდი:

საბანკო ანგარიში №:

პრეტენდენტის (სუბკონტრაქტორის) წარმომადგენლობაზე უფლებამოსილი პირის ხელმოწერა, სახელი, გვარი და თანამდებობა

სატენდერო წინადადება სატენდერო განცხადებაზე # _____

პრეტენდენტის დასახელება და მისამართი _____

ფასების ცხრილი

პოზ.	საქონელი	რაოდენობა, ლიტრი	მიწოდების ვადები	საქონლის საფირმო სახელწოდება	წარმოშობის ქვეყანა	მწარმოებლის დასახელება და მისამართი	წყლის მინერალიზაცია	ერთეულის (ერთ ბოცაში ან ერთ ბოთლში დაფასოებული წყლის) ფასი, ლარი	ღირებულება სულ, ლარი	დასაბრუნებელი ტარის ღირებულება, ლარი
1	2	3	4	5	6	7	8	9	10	11
1	წყალი სასმელი, მინერალური, არაგაზირებული, დაფასოებული წყლის საოფისე დისპენსერზე დასადგმელ 19 ლ ბოცებში	<=11115	23.05.2013-დან 21.12.2013-მდე							
2	წყალი სასმელი, მინერალური, არაგაზირებული, დაფასოებული პოლიეთილენის 0,5 ლ ბოთლებში	<=2500								
3	ჯამი									

პრეტენდენტის წარმომადგენლობაზე უფლებამოსილი პირის ხელმოწერა, სახელი, გვარი და თანამდებობა